

林

外

野

言

林外野言

林外野言序



詩與聲文始而邪正本諸情皇世之辭無所述聞見於
帝世而備於三百篇變於楚離騷漢樂歌三變於琴操
五七言大變於聲律馴至末唐季宋而其弊極矣君子
於詩可以觀世變者類此古之詩人類有道故發諸歌
詠其聲和以平其思深以長不幸為放臣逐子出婦寡
妻之辭哀怨感傷而變風變雅作矣後之詩人一有嬰
拂或飢寒之迫疾病之楚一切無聊之窘則必大號疾
呼肆其情而後止間有不然則其人必有大過人者而
世變莫之能移者也予在錢唐閱詩人之作無慮數百
家有曰古騷辭者曰古樂府者曰古琴操者談何易易

習其讀其果得為古風人之詩乎否也客有詰予詩之
學則曰有三百篇楚離騷漢樂歌之情則必有三百篇
楚離騷漢樂歌之辭生年過五十不敢出一語作末唐
季宋語懼非其詩也以此自効而又以之訓人人且覆
訓我則又未嘗不悲今世之無詩也幸而合吾之論者
斤斤四三人焉曰蜀郡虞公集永嘉李公孝光東陽陳
公樵其人也竊繼其緒餘者亦斤斤得四三人焉曰天
台項炯姑胥陳謙永嘉鄭東崑山郭翼也翼早歲失怙
中年失子家貧而屢病宜其言之大號疾呼有不能自
遏者而予每見其所作則皆悠然有思澹然有旨興寄
高遠而意趣深長讀之使人翛然自得且爽然自失而

於君親臣子之大義或時有發焉未嘗不嘆其天資有
大過人者而不為世變之所移也予在婁江時翼持所
作詩來謁序今年學子殷奎又挾其編來杭申前請於
是乎書翼字義仲東郭生其自號也至正十一年冬十
二月廿有二日會稽楊維禎叙

林外野言卷上



崑山

郭翼

義仲

精衛操和鐵崖韻

東海水雖大精衛心不移
銜石填海有滿時有滿時
海有底吁嗟人心不如海

花游曲和鐵崖韻

石池天地花溟濛芙蓉暖
紅旗颭列朝詩集作颭風錦艚兩帆

出雲裏玉豔搖溶養龍水
寶坊壁堂山入門瓊瑤雜佩

飄輕裘館娃愁絕行春步
青狐泣冷鴛鴦墓鐵蛟噴空

列朝詩集作壑風雨來花宮香送瓊
英杯玉粒松膏粉雲梳小

扇桃歌紫牙板苧蘿烟斷
東海西雙璫棧札近新題青

鳥不來無信使玉鴈銜絲啼十四真珠字密愁滿箋爲
君重賦花游篇

和顧子達見寄二首

江上去年來避寇無家歸路轉淒迷桃花柳絮當三月
瘴雨蠻煙似五溪真見荒臺麋鹿走可憐無樹鳳凰棲
讀書支子橋邊宅瓦礫傷心暗蒺藜

君住同丘似同谷閒身應是笑官忙梅花有興吟東閣
萱草無憂樹北堂謾省觀魚莊叟樂誰憐歌鳳接輿狂
相看馬困鹽車日何處悲鳴覓九方

城南草堂與顧仲瑛夜話

花發草堂風雨春青燈翦韭話情親亂離隔世今何夕

生死論交竟

願選

幾人城郭是非華表鶴蓬萊清淺海

中塵三千賓客馮驩在莫怪悲歌撫

願選

劍頻

聞呂敬夫移家五首

憶汝秋來信使稀移家未覩是耶非月星繞樹烏三匝
風雨橫江鴈獨飛豈爲故人居赤甲還從野老款荆扉
東西擾擾皆爲客琴劍空慚坐不歸

詹尹何勞更決疑衡門之下可棲遲竹從少傅韋家覓
樹向果園坊裏移翡翠小堂巢窄窄鷗鷺近渚檻垂垂
主人一任懸徐榻更擬風流醉習池

卜築因同野老居家貧猶有五車書從人更買青田鶴
入饌頻供丙穴魚謝眺能詩多警策嵇康懶性且麤疎

江頭樹裏晴雲出日日看山候小車
餘暑困人猶醉酒秋風秋雨夜朝朝頗聞將詔開三徑
未識將軍第五橋月裏芙蓉催放棹天頭鸞鶴待鳴簫
海鄉應訝文星聚莫以尋常折簡招
雨映清秋解鬱陶無端舒嘯下東臯終懷楚國屠羊肆
已愧江州食犬牢五夜新涼吹枕几十年舊夢落波濤
老來亦慕歸耕好田屋芄芄黍豆高

巴湖秋暮

巴城湖頭日欲曛巴西廟一作巴王廟下水如雲漁
船歸去打雙槳鷗鳥翻迴飛一羣野曠天開秋歷歷霜
清木落雨紛紛杜陵飄泊誰知己搔首風塵正憶君

題景德寺櫻桃

上人醉臥櫻桃發客至不知山日斜粲然五株庭下雪
開作小白岩前花仙女吹笙雲匝匝素鸞踏月光交加
金盤明日薦崖蜜背痒欲倩麻姑爬

書聲齋詩爲姚子章賦

幽人一室開風露坐想瀛洲玉爲署把書夜誦秋滿空
徘徊花影蟾蜍樹蓮葉艇子風泠泠太乙下御選照藜
火青筍黃齋草堂雅集作塞耳洗不醒溲哉太音誰得聽

雪後遊華藏寺

快雪時晴西日微陰陰碧殿鎖林扉山中白雲好畱客
枝上野梅寒拂衣經床無風花自落瓊田如海鶴爭飛

諸郎授簡皆能賦況復東林此會稀

登文筆峰

借得登山靈運屐乾坤眺望倚巒岿上方日落樓臺碧
積雨春深草木寒戰馬中原連萬國風檣巨海隔三韓
寥寥宇宙懷今古墮淚之碑幾度看

寄于彥成兼東玉山

匡廬道士三尺強手援北斗酌桂漿露風朝開瑪瑙甕
丹光夜落芙蓉牀崆峒仙人廣成子鑑湖狂客賀知章
主人種梅梅成屋憶爾看雲眠草堂

漫興 玉山草堂名勝外集云寄于彥成兼東玉山徵君漫興一首

三月既望出北郭草堂樽俎特風流戴花一任巾幘岸

酌酒且集名勝外將車轄投骯髒倚門徒自惜慵疎與世

豈集名勝外無謀青春正好莫嫌晚取次習家池上遊

春日有懷二首

二月作客楊家巷東望滄浪眼欲醒雲樓吐氣鮫蜃紫
海戶送色蓬萊青也知奔走非吾事直以踈慵任性靈
別後憶君兼日夜滿江風雪沉如馨
客裏青一作春愁不禁月頭月尾雨陰陰海棠結巢花
匝匝楊柳滿門江淺深竟日笙囊寒未解臨池盤餞晚
纔斟諸郎怕有乘舟興怪殺喧喧鵲報音

玉山草堂

玉山草堂誰比數風流不減浣溪頭碧梧草堂名勝翠

竹一个个鷺鷥草堂名勝集作鷓鴣鴻鵠兩悠悠吹笙子晉尋常
過愛酒山公爛熳游但道幽棲嫌早計須君更上鳳麟
洲

再題

玉山名勝集云
題玉山草堂圖

玉山草堂趣絕殊風煙白石路縈紆寄詩未答高常侍
簇馬或迎嚴大夫花徑掃晴當晚雪橙林移名勝雨接
春湖主人結構知幽寂還約看山傍酒壺

澹香亭

別館閒將擲果車澹香亭下賞春華東闌恰好清明節
千樹都開爛熳花綺席霏霏吹雪暖霓裳疊疊舞風斜
魏公翰墨秦家得一字千金未足誇

南湖有懷

玉山之詩尚清省草堂細帙動星光兒郎箇箇荀文若
賓客人人馬季良月裏吹笙列朝詩集作簫眠複閣花間移艇
過漁莊酒酣側近江頭別獨坐南湖意不忘

漫興一首呈上玉山道丈

前月海寇入郡郭病裏移家愁殺人桃花野屋苦多雨
楊柳清江無好春誰似龐公居隴畝自慚杜老在風塵
草堂夢寐驚相見把酒論詩月色新

拜石壇

偉茲秀石奇而雄億千萬年壽作朋何年天公召雷公
下驅六丁鑿混沌巨斧落手驚飛龍初疑帝遣神鼉首

戴海上之青峰又疑星蕊墮地變化為芙蓉神物之神
固有馮一朝當變遷霹靂千丈崩左股劈折名勝集臥
棘蓬虎頭顛絕如南宮作壇冥之衆不驚如在培塿視
華嵩題識沉重仇池翁仇池雪浪空玲瓏丹丘白野拜
下風嗟哉天地生物功一成一毀無終窮人之顯晦靡
不同吾嘗視天唯夢夢貴賤壽夭
幽人采薇窮
谷中石也幸爾千載逢能令人拜壇載登洛陽丘墟牛
李死甲乙零落平泉空溝中之斷燹下桐荆山玉氣吐
長虹賀爾遭也天所蒙賀爾遭也天所蒙

白雲海御選白雲母作

青田生鶴子隨母青田飛母飛向天去名勝集云飛元

裳縞其衣千年歸來華表鶴鶴雖悲鳴名勝集西日落

好將商墓名勝集寺前雲飛還名勝集直過青山郭

寄馬敬常

奈爾相如好賦何老懷猶得慰蹉跎五侯冠蓋殊皆貴
百世文章不自磨沙漠黃雲龍去遠江湖秋水鴈飛多
旌旄海上重開府還擬扁舟雪夜過

寄青龍瞿惠夫博士

醉眠亭上追遊日為惜高情對物華草港鬪飛花鴨雨
竹沙深映白鷗置叢叢山影侵雲直一一人家落路斜
近報風流多著作雅集云門生若个是侯芭

荷亭晚坐寄悅長老

海上無家來避寇行吟何處可銷憂看荷偶到東林寺
落日渾如丈八溝雲葉層陰青過岸草堂五月澹于秋
老子情深能愛客更擬花開一醉留

崑山即事寄友人

人家繞郭連鳧鴈井落荒涼接野坳湓瀆雨來秋水暗
馬鞍雲盡暮峯青宿草屢過劉過墓紫藤長倚范公亭
結鄰最晚還相並海上長嗟處士星

過綽墩舟中奉寄玉山

草堂雅集云與野航汎舟過綽山懷玉山

綽墩

雅集作山

樹色青如薺蕩裏張帆曉鏡開烏目峯高雲

北下白沙湖闊

名勝外集作沙湖波闊

水西來菰蔣打雨鳴還止

鷓鴣迎船舞却迴好入桃源張渥畫祇慚揚馬是仙才

同敬常汎婁江

春江一番游春艇澹沲青山東復東楊柳孤村寒食雨
流鶯百轉落花風卷題宮錦駝泥紫杯汎仙桃枸杞紅
鐵龍後夜來同聽擬借琴高赤鯁公

蒼筤竹軒爲馬敬常賦

清風峽上蒼筤竹个个繞軒陰滿庭秋聲夜覺湘波遠
雲氣曉拂鑑湖青親題白野尚書額好勒金華太史銘
老去幾時探禹穴與予同躡鳳凰翎

綠陰亭爲顧晉道賦時與姚子章于彥成歌亭上

綠陰亭上夏五月瀛洲上客與俱來日出衆鳥繞羣語
竹深好花當戶雅集作塢開鏡裏水涵萍似粟席間雲落酒

如苔更貪賀監清狂甚艇子朝朝暮暮迴

放生池二首

崑山雜詠補第一首今据

放生池館信奇哉面面芙蓉夾坐開戶外香烟浮翡翠

殿頭雲氣接蓬萊曾聞子晉吹笙過或遇安期送棗來

羽客步虛明月夜珮環鏘玉下層臺

清真觀裏放生池殿閣陰陰白日移鶴迎上帝仙遊駕

龍護前朝御賜碑山勢欲連崑玉脚水花如汎鑑湖枝

因懷九十泉頭路老去重尋尚有期

追和龍洲先生登多景樓詩就題其墓

黃鶴磯頭風雨秋中原一望使人愁羣臣誰決和戎議

九廟猶銜誤國羞慷慨魯連寧入海淒涼王粲重登樓

荒岡四尺先生墓再拜酌之雙玉舟

案劉過龍洲道人

及題潤州多景樓七言古詩二首無七言律詩考崑山

雜詠載呂誠祀崑山東齋劉先生墓詩二首此其第二

首也亦見敬夫既白軒橐當由郭詩亡佚編輯者誤以

呂詩實之耳因元本有此姑存之以俟再考又案元本

中原樓一望使人愁句下有東南風雨一斗酒大地山河

省臣遣館士秦約陸仁祭龍洲先生墓因作詩送

之

龍洲湖海士瘞玉崑山阿山川邈如昨喬木拱煙蘿偉

哉二三子覽古發嘯歌披荆弔遺跡空石臨嗟峨慨嗟

歲月流奈此湮沒何立闕表隧道大刻盤蛟鼉維時春

載陽好鳥鳴聲和麗牲拜祠下冠蓋相駢羅山僧出遺
 墨保護百年多縱橫廿八字恍若龍騰梭緬懷攜斃酒
 風雨渡江沱中原雖在望泪落如懸河安得起九原執
 手野婆婆歸憩元館夕涼風水微波詩成想丰采寤寐
 倘來過飲清眞館以龍洲先生遺墨分韻得何字亦載
 崑山雜詠此蓋誤編故詩與雜詠不合郭詩遺佚附存
 於此以俟補亡○又案崑山雜詠載呂誠閏月二十
 日陪館士秦文仲陸良貴奉省臣命祭龍洲先生墓詩
 云先館深恥和戎議慷慨中原氣欲振名冠魯連天
 士才高北海世無人民心切猶思漢大義昭昭不帝
 秦感激朝臣來遣祭東岡復喜樹桐薪當是與郭同作
 其第二首即黃鶴磯頭風雨
 秋之作而前篇不登呂集

漁莊

山色桃花裏漁莊信少雙鷗羣迴落日魚笱聚深砭楊

柳秋開屋蒹葭雨滿江野翁歸醉晚水沒繫船樁

春波曲

妾家紅蕖曲綠水春滿滿鷓鴣不肯飛雙棲落花暖

桓王墓

客行古城下有桓王墓古城多秋草牛羊下來暮

簫史趙信卿謁玉山昆季且欲登碧梧翠竹之堂

詩以道其行

金粟池頭花皜皜綠陰亭下樹冥冥一曲重聞簫史過

月明憶上鳳凰翎

遊仙詞十首案元本八首今補二首

銀流萬里海雲東只泛靈槎上碧空仙女踏歌星影裏

老龍吹笛浪花中

金粟天高御選碧殿雲鏡中空影夜氤氳白鸞樹下三

千女一色龍綃玉雪席

月照旌旗夜未分行宮望拜玉華君眾中王母雙龍駕

飛動神州五岳雲案此首從後

令威化鶴已千春華表歸來是後身城郭悲歌荒冢在

到頭應愧學仙人

白鶴下啄瑤草庭願選道士夜讀神農經問之長生有

寶訣授以松根千歲苓

溪水流香飯熟麻洞中千樹玉桃花金盤日日飛仙供

敕賜安期海上瓜

鬱蕭臺上會神羣一作仙龍燭飛光曉夜然玉殿歸來環

珮冷白雲猶護古苔篇

麟洲宮殿五雲高夜赴瑤池宴碧桃借得仙人紅尾鳳

月中飛影拂波濤

鈞天按樂樂鐵網蓬瀛手把芙蓉朝太清一曲霓裳羽

衣舞仙家只數董雙成

長生誰解問佺期黃石空為孺子師何似山中閒日月

松陰自了著殘棋案此首從鐵

遊仙詩遂昌其最優乎貞居仙去不可復得清真

俞君復初請余和之以後其知言乎昔

揚雄作太元曰後世有揚子雲必好之蓋謂作者

非難知者為難也復初舊有能詩聲予故喜之遂

題雲間徐希哲竹庭卷

軒外閒庭百步寬不栽桃李畫琅玕幽深自與塵氛遠
蕭灑偏禁雨雪寒湘浦夜濤欹枕聽渭川晴色卷簾看
春來更愛兒孫長玉立森森擬謝蘭

清真觀即宋放生池

放生池上應五月爛熳花開坐夜長日坐金盤擎露影
天高玉井散秋香雲邊小瀟瀟洲近鏡裏微波太液涼
準擬王喬借飛鳥仙遊從此恣翱翔

行路難十二首

案元本七首今補五首

贈君蒲萄之芳醇瑠瑰玉佩之鏘鳴昆吾鹿盧之寶劍
空山龍門之瑟琴紅顏暉暉不長盛流光欺人忽西沉

願君和樂兮欣欣聽我再御選歌行路吟不見陸機華

亭上寥寥鶴唳詎可聞朝愁不能驅暮愁不可處中區

何陘隘乘雲汗漫瑤之圃爰從王母訪井公復約元君

謁東父靈桃花開銀露臺玉文棗熟青琳字我願于焉

此中息錫以遐年永終古

雅集作吉

君不見草木榮復凋青青摧折風霜朝人生寓一世何

異石火飛流焱貴賤壽夭千百殊死者前後孰可逃當

年稱意即可樂烹羊息羔名同僚莫令閒慮損汝神未

老面鰲毛髮焦岡頭松柏多高墳聲譽俱逐雅集作隨塵壤

消令人及此意雅集作志沈菟上堂鼓瑟歌詩謠

門前十字街車輪馬脚不可遮馳名逐勢死不畏赤手

生拔鯨魚牙得之未足爲身榮敗者顛倒粉若麻嗟予
無能守命分樂取意適不願奢諸君惘惘胡不思來日
若少去日多丈夫闔棺事始定何用無益長怨嗟

秦女卷衣咸陽宮蘭煙桂霰茱萸芳泥金爛爛輝五采
新衣新賜藕合房朝擁羣仙行義和御車駕飛龍暮從
天女游月中吹笙鳳鳴空君恩恐移今已衰羞將淚滴
紅芙蓉寧作蓬池並翼鳥飛飛到死成匹雙

雅集云飛到死匹

雙雙

離離西園草翩翩胡蝶飛憶昔與君昏媾時年華容色
兩相宜死生謂我不棄置中心不合勢必離還君金鑄
畫搔頭不忍與人結相思

玉山草堂雅集補

今日復明日年年月月從此積一年三百又六旬強半
夜消五十刻予年四十貧不仕戚戚何日展顏色看花
抑鬱與誰語對酒彷徨不能喫諷誦書詩百家言脣腐
舌秃齒齟覩眼中靡曼盡年少覩然面目予不識不知
主之何者神彼此薄厚胡不均人言人有願願至天必
成兒子長大力田穡有酒樂我平生心

玉山草堂雅集補

感感靡所騁出自城北門顧瞻荒丘中鬱鬱蹲石麟石
闕字漫漫不知何代貴者墳形骸已滅魑魅跡物化盡
爲狐兔塵吁嗟漢家陵闕荒無主青山落日秦川下猶
聞樗里有智人天子之宮夾其墓今日休論智與愚昔
人意氣復何如願借飄飄丹鳳舄與子鍊形入雲墟

庭前芳樹花參差歲歲爭新滿舊枝開白開紅接芳葉
撩亂二月三月時昔日美人顏如花看花暮去朝復來

雅集云看花暮朝復朝暮紅夾作雅集羅襦泣雅集香露青天白日春

風吹而今零落少顏色見花惋惋含悲思百年何人得

長好歎息謂君君不知

長安豪俠無所憂紅雲百尺起高樓簾櫳玳織象為席

麗服綺食擬王侯黃金買妾弄嬌彈銀鞍走馬逐貴游

不知仁義何辨為孔墨不知事業何重為伊周他人叩

叩無一言魁然坐待歲月邁天意茫茫胡可道夷叔餓

死顏回天君不見落葉辭故枝南東北西從風吹君不

見薤露何易晞人死一去無還期君于此時坐憂老不

知日月疾若馳富貴在天那在我爭者招尤速其禍且

從陳遵投轄飲適喚王戎如意舞月茲日夕竟歡樂昔

人愛酒苦不足達生委命皆有然君獨胡為自拘束吐

草堂雅集補

君不見信陵君仁而下士有名聲步從毛薛遊盡禮于

侯嬴食客無慮三千人何況大國一个臣東閣虛席生

埃塵縱使蘓秦生乎太平世閉口結舌難列陳玉山草堂雅集

補

陌頭采桑悲好春秋風落葉愁殺人豈獨推移感時序

念君客遊恒苦辛鴻鴈秋高斷邊色蟪蛄露寒流網塵

豈無膏沐可為容愛而不見心孔瘖憂來不覺沾裳衣

援琴未鳴聲已悲怨妾筑筑而獨處羞見合歡雙鳥棲

玉山草堂雅集補

君不見流水泯泯去不還日月攏攏曾無間人生長苦
死催促富貴早來開我顏飲酒飲不多直愛美人揚美
歌即今愛樂亦已晚過眼百年能幾何

送盧公武應召北上

前朝圖史已全收詔起丘園重纂脩用夏變夷遵禮樂
大書特筆法春秋金臺墨瀉朝揮灑銀燭光消夜校讐
進卷內庭承顧問鵠袍端立殿西頭

漫興九首

瞿盧袁陸思清警更我題詩來鶴亭月下吹笙看舞影

竹中移柵護霜翎

廣平梅詞吐清婉惠連雪賦映嬋娟況有文章兼二美

呂家亭子得無傳

白雲滿地如白日明月窺江來近人最憶滎陽好兄弟

著霜柿葉寫詩新

淮泗大水斷禾黍聞道居人巢樹頭漢武曾聞歌瓠子

老翁更擬賦黃樓

城南市中有楚客醉臥高樓看月生兩兒共扶不肯下

紫簫吹度到天明

側聞朝家置史館須得班馬出羣材揭公已老歐陽死

近者何堪

難珊作賢木為總裁

北山一士禪宗秀爛熳交情只憶渠每與王郎傳詛楚
不同懷素學狂書

永嘉為儒有陳子更思文雅得曹髯麟趾鳳毛不復難

數作見龍文虎脊有誰兼

江上十月風日好小桃欲開春可憐絕勝龍沙三尺雪

彫弓射鴈拂廬前

林外野言卷上

林外野言卷下

崑山 郭翼 義仲

題張戡畫瘦馬圖

瘦馬鋒稜珠汗落臥痕半雜古苔煙未脫將軍金匱匣
又馱兒女玉嬋娟蒼黃日色龍沙外慘淡秋聲鴈塞前
神駿只今誰貌得開圖老眼一醒然

燕婁東園分韻得五字

迢迢望瀛洲流雲下東渚笛教仙人借酒使文君取簞
簞寫林綠茁茁發江雨煌煌金閨姿天動星文聚華辭
播蘭蒨繁價登瓊玖龍鏑秋濤淨鳳羽雲色五燕邀亦
云暢驩集那得屢驕驄踏晚轡閣門涼月舉

寄郊九成懷鐵崖且聞有挾瓊花赴倪雲林之約
就東

府中從事近將書只道清狂事事無雪艇不雅集下來邀
陸倩雲林直去看倪迂醉時自舞鐵如意愁裏休歌玉
唾壺揚子草堂頻有約速來滿眼為君酤

江水辭二章

江水一百里送君君去時丁寧桃葉渡莫唱渡江辭
江水一百里江流七十盤初三弦上月相憶照鸞環

題宋高宗詩雅集無便面

康邨龍飛日中原不可支乘輿猶北狩淚濕畫中詩

江南曲

江南暄新花月天美人盤游緩愁年翠環嬌雅集春扶
上船扶上船月如水霞蓋車度花裏

游女曲

麝衣寶珞花氤氳芙蓉小袂雅集金鵝扇流日豔豔思
若雲思若雲可憐嬌玉條脫金步搖

采蓮曲

青溪小姑雙嬋娟蓬蓬荷葉金槳船含情戲采並目蓮
並目蓮為郎喜刺滿莖傷玉指

采菱曲

湖灣小婦歌采菱盪舟曲曲去雅集相迎花開鏡裏搖
明星搖明星妬華月郎不歸怨花發

陽春曲

柳色青堪把櫻花乾坤清氣作桃雪未乾宮中裁白紵猶怯剪刀寒

鳳臺曲

聞道嬴家女吹簫入紫雲如何鳳臺上不棲祖龍君

淮南王曲

漢武好神仙淮南去不還徒令風雨客感慨雅集茂陵阡

獨漉篇

求祿求祿清白不濁清白尚可貪汚殺我明明日月麗乎太清明君當宁明臣在廷賞不虛功刑必當罰孰將

溷溷我寧察察濯乎滂泥雅集云濯嚼乎不緇暮夜之

金弗替于懷幸甚至哉歌以言志

自君之出矣三章

自君之出矣花開又花謝思君如日月耿耿晝復夜

自君之出矣徒守乾坤清氣作寫零落耳思君如車輪輾轉愁

不已

自君之出矣琴瑟何曾御思君如落葉蕭瑟悲秋暮

明鏡篇

開鏡珠璣匣盤龍百鍊金使君持照妾不解照君心

采蓮曲 玉山草堂雅集題云樂府

蓮子復蓮子苦心郎不嘗為郎剝蓮子蓮子憶空房

汴隄曲

玉山草堂雅集作汴隄樂

已信隄名汴誰教柳姓楊龍舟行樂地不得復歸唐

王孫曲

春來百種草無那

雅集作每却

怨王孫迷却郎歸路萋萋不

斷根

夜夜曲

蕙花空帳不生春香壁泥紅墮網塵微步姍姍燈影裏

金屏夜降李夫人

題柯敬仲梅花竹石圖

夜寒起坐看龍影金閣采愚小殿東夢覺香吹梅子樹

玉文堂上月方中

題李遵道小寒林圖寫廉夫後

溪泉溪樹滿春青寫入桃源翡翠屏楊子風流那可得

為渠安个鐵崖亭

題倪元鎮畫雲林圖

鬱鬱倦時煥雲漢雨如洗美人既云邁胡寧不忻喜微

煙升

雅集作隴

夕樹鮮月度秋水人生豈無適所適當在爾

蹋鞠篇和鐵厓韻四首

簇花小銀雲作團雙尖繡襪星流丸金蟬束腰燕盤盤

燕盤盤綵門下第一名齊雲社

倡園小奴花个个蹋鞠朝朝花裏過釵墜蜻蜓髻倭墮

髻倭墮玉瓏璵倚嬌樹雙臉紅

綠雲草色光如苔
綵樓御選紅扇相當開
美人凌波蹴月來
蹴月來不墮地
裏回風動羅袂

落花水流春滿路
走紅踣踣羅塵步
繡襦鴛鴦暖香霧
暖香霧酒光獰
紅映肉太嬌生

題仙山樓觀圖

五雲樓閣世間無
日月龍光出綺疏
王母眾中金羽蓋
雙成扶下紫雲輦

題美人圖

上清宮殿五雲車
降下仙人萼綠華
怪得雪衣無个信
只將條脫寄羊家

題詩意圖

鬱金堂上春濃否
薄薄羅襦杏子紅
白日繡窻鶯不語
都緣詩思落花中

題倪元鎮畫

不見草堂橙樹西
早來雲氣忽相迷
野老迴船怕風雨
竹鷄柵裏莫教啼

題秋山圖

山上浮雲天幾重
秋高花散玉芙蓉
好攜謝朓驚人語
醉裏來登落鴈峯

絕句六首

沙洲蘆葦如城郭
水深門前百丈洪
老漁晒網臥日裏
稚子捉船行水中

楊柳蓋江花蓋屋就中二月覺春多一雙白鷓浮新舫

翠雅集迹紅雲踏豔歌

高桃花發江林裏蝶弄鶯銜四散飛便開金錢留連看

莫教青春造次雅集作歸

可惜清雨也晴好春須看水東亭桃花如馬斑斑色

楊柳藏鴉樹樹青

芡苳新生蓋地面辛夷高開滿上頭生憎雨惡兼風惡

轉益朝愁復暮愁

雨多二月連正月草沒南園與北園一向雅集無情花

片片百般如怨鳥言言

崑山謠送友人

吳東之州婁東江民廬轟轟如蠡房官車客馬交馳橫

紅塵輒投康與莊鷄鳴關市森開張珠屏翠象列道旁

吳艤越艦萬域驤大帆雲落如山崩舟工花股雅集百

夫雄蠻音獠語如吃羌水仙祠前海茫茫魚鱉願選作

道虹作梁龍堂貝闕當中央靈女媛歌吹笙簧馮夷伐

鼓相鏗轟或乘飛龍下滄浪大檣小檣火流光翠旗摩

雲互低昂左驅勾陳右櫓槍天子錫命祀南邦重臣下

拜靈慈宮太平無象躋成康吾州富庶文物昌厥田下

下賦上下歲貢天府民職恭君子閭閻講虞唐小人業

業為工商大夫從事舉賢明掌曹僚屬登其良王郎作

掾材用長理煩剗劇乃不獲自少軒輕有父風穰穰學

業盈困倉乃翁七十鬚眉蒼二三昆季故昂藏中郎虎
願選作偉髯黠而彊誠心懇懇愛其兄願汝忠譽為國禎子
孫昭孝百祿將願集中正以為裳願以仁義雜為珩願
言揖子以為明德音秩秩亦孔章

天台行送友人

吾聞天台山一萬八千丈赤霞壁立百雉城閭闔天開
勢摩盪瓊臺雙闕雲幾重羣山俯伏華頂雄靈仙元聖
所窟宅紫氣彷彿飛游龍滄溟直下但如沼青煙東望
蓬萊小火珠光動金銀宮日月跳丸幾昏曉丹厓氣散
如飛霜草木冬夏涵天香羽人霄蓋擁旌節雨衣雲帶
雙翱翔石橋縹緲那可度憑雷躡雲天所怒不知方廣

今有無如何絕却人間路有客有客多好奇方舟明日
過願選靈溪青山之谷事幽討手援芝草歌我雅集詩

贈卜香印錢道人

吾聞軒轅師廣成仙成騎龍鼎湖升獨遺弓劍在人世
白雲杳杳連星辰崆峒之天三十六日月珠光照龍燭
何年贈汝棗木盤玉宇靈香勸神卜道人十口家一船
瓦盆沽酒有酒錢桃花洞口紅滿煙塵流一隔三千年

送道士遊武當大雅集云送

武當諸峯何壯哉大朵小朵青蓮開元聖中居天地戶
赤日下照金銀臺神龜六眼電光走山鬼一足大雅集
雲頭來道人再拜望北極應帶滿身星斗回

奉同袁子英東呈楊廉夫先生懷大雅集題云

楊子十年官不調如此永州文力何不負雅謫仙才洞庭

鐵笛龍吹得天上瓊書鶴寄多瓊花鶴寄來車子看花

將一兩雪兒行酒豔雙歌行大雅云連臺時時對客教一作

理一弦索繡領單衫月色羅羅大雅云小袂裁

和讀李五峯集

先生住婁八十日金石遺音手自題人物風流擬江左

文章典雅重淮西鳳來山郭時稱瑞鯨破滄溟勢欲齊

著作新聞雅集徵士詔天光久待照青藜

桂花曲

花開杳杳金為粟葉密藜藜翠蓋煙不分月中惟一樹

要將秋色種諸天

欵乃歌詞

吳興卜者浮舟為家遨遊往來具能道山水之

勝請予言其狀如杜之歌夔州禹錫之竹枝也

因製欵乃新詞五章遺之言固鄙俚不言當古

作者然或遠方懷其風俗使歌之亦足樂也

榻頭船子小如車賣卜狂雅集遊屬當家直到年頭與

年尾不開看月即看花

芙蓉城雅集裏遠城開溪月溪煙幾番來駱駝橋頭有

酒賣鷗波亭下掉船回

道場何山山最雄弁中形勝聞吳中七十二峯菡萏綠

四月五月楊梅紅

上塘船行無斷頭下塘船少可好安流兩岸青山天上坐

看山吹笛上杭州

城東城西楊柳多女郎不唱本鄉歌那个新傳欸乃曲

落花風裏奈春何

江南采蓮曲

涉煙采芙蓉湖波蕩秋影天開明鏡入鳥下青葢響佳

人弭輕楫綠水歌兩兩江南有愁思落日空蒼莽

春愁曲

春陽動宮沼花色明闌御選薄文鶯帶柳垂黃蜂黏絮

落霓裳久不舞蕞簧愁未炙寧知色易衰祇念恩如昨

無題和袁子英四首

雲中錦隊衛旌幢帝子乘舟雅集思滿江不惜鳳

弦閒寶瑟却教龍女護瑤窗淚花筠竹波千頃愁雨蒼

梧玉一雙萬古湘南遺廟在至今清怨未能降

瓊宮花發滿神皋花下吹笙紫繡袍不學鳳臺秦弄玉

也歌樂府鄭櫻桃珊瑚舊夢留春枕椒桂新香暖夜醪

輓輓羊車過別院仰看星斗覺心勞

繞帳犀珠坐雅集影移銅華鋪首鬢雙螭守宮點臂斑

斑血結帶同心寸寸絲機上金梭迴豔錦篋中玉子卜

靈棋飛花解繫相思否莫遣韓家賦柳枝

紫殿長楊滿路塵驪山荒草沒麒麟伶元作傳悲御選

飛燕李白歌忤太真舞袖夜虛金掌月香囊魂墜紫絲茵可憐傾國傾城曲一度秋風一愴神

次陳敬初見寄二首兼懷張仲敏

至正天子明聖君早聞羔鴈聘陳羣河清地應千年瑞星聚天回五色文遂有青鸞鳴桂樹也憐黃鵠伴沙雲詩筒坐待雅集蘇臺使百道雅集愁吟到落曛論交長歎白頭新傾蓋相知定幾人照世豈無麟閣畫買山且卜草堂鄰南洲人物皆零落西漢文章尚雅馴好竹每懷張仲敏冷風骨水爲神

題娑羅室

娑羅樹下幽人室山氣因之與秋碧古色猶栖竺國雲

絕頂仰見扶桑日太陰垂地風雨會百尺撐空鬼神力醉呼北海起九原爲爾重鑄青石壁

送僧歸江陰山寺

昔葛洪騎狼入此山

孰知楊子江頭寺寺門高高樹裏開仙翁已乘白狼去古佛或騎青象來春動水流無底谷天晴雲覆散花臺山中邑子正憶汝恰得飛空一錫迴

寄陸良貴

堂館綠陰皆面水圖書烏几喜無塵椽櫚交葉纔遮井菡萏傾花故向人世事從渠寧分拙交遊於爾覺情親澧蘭沅芷秋風裏明日南雲別更新

送趙季文之湖州知事

送子作官山水郡掾曹日日簿書稀放生池頭看花去
浮玉山前載酒歸芙蓉入簾秋雨落穉稭滿天寒鴈飛
卽聞善政歌賢德還見清光照紫微

天馬二首

佛郎獻馬真龍種六尺之高脩倍之圖畫當今屬周朗
歌詩傳旨敕奚斯空聞市骨千金直不羨窮荒八駿馳
有客新來 此事與君何惜滯明時

四年遠涉流沙道筋骨權奇舊肉駮曉秣龍堆寒感雪
晚經月窟怒追風漢文千里知曾却曹霸丹青貌不同
拂拭金鞍被來好幸陪天殿玉花驄

陸定之印爲陸仲安賦

陸家漢印吁亦絕金窠籀文盤屈鐵斯人已矣世無傳
千載得之名不滅何用兵家虎作符空聞澤國龍爲節
勗哉玩物古有言願子文章照前列

歲盡寄瞿慧夫

瞿子作官無暇日南園臘盡未還家禁春微雪青青草
照眼踈枝細細花五兩卽看飛落日屠蘇應待酌流霞
詩成無使能將意鳧鴈寒雲滿白沙

水閣書事寄鄭明齋

御選
作德

方橋匝匝小如亭山色傾江滄滄青雨裏芭蕉憐畫扇
花閒鸚鵡惜金屏誰傳鴻寶中篇術自寫黃庭外景經
練水東頭三十里何人識得伍喬星

木外里言
答呂維清兼柬鄭遂昌葛可久

滄洲解纜不十日相憶題詩寄闔閭常怪接輿歌鳳鳥
因憐爾雅注蟲魚台州司戶雅集頻相問勾漏仙人好
附書況汝才華今亦盛五雲坊裏看徵車

擬杜陵秋興八首

露下大江江鴈橫窮秋搖落喚愁生波濤百里風連海
砧杵千家月滿城佩劍衝衝龍匣動巢笙夜夜鳳臺清
還同使者將秋色一到銀河且濯纓

東過

御選
作返

秦皇渡海砮波聲雲影落澹澹君平漫識支

磯石帝子應愁鼓瑟窗鳳穴朝陽鳴好樹槎頭秋水釣
空江坐來清濁荒城斷愁絕飛蓬老鬢雙

海門八月雨清霜可怪殘雷未肯藏虹蜺斷江將雨映
駕鵝背日與風翔羅合自老黃華宅裴度重來綠野堂
衰暮閉門懷故舊豈因吹笛滿山陽

巍巍北斗夜闌干盛世無憂行路難轉粟帆檣遼海闊
舞階干羽獠夷安黃河正道流應復白日雅集空江臥
獨看願借雙飛珠樹鶴清遊一接鳳池翰

灤水秋風曉夜催上京宮殿護蓬萊扶桑日近龍波湧
閭闔天高象駕迴綵仗齊迎千騎發翠旗遙接五雲來
揚雄漫有河東賦流落何人一薦材

江上青山接甬東離離禾黍館娃宮芙蓉舊苑長洲裏
麋鹿荒臺落照中銀海鴈飛沈夜月金莖露冷濯秋空

可憐蕭瑟江關暮詞客哀吟思不窮
金陵佳麗帝王州今古登臨送客愁
玉樹雲連鳩鵲觀
青山日落鳳凰丘荒城并與煙蕪沒
故國空餘漢水流
渺渺江湖頻入夢蕭蕭天地不勝秋
落日江南發棹歌楚王宮廟鬱嵯峨
雨經巫峽朝雲濕
木落洞庭秋水多璧月銀河空復在
玉簫金管奈愁何
只今文藻悲遷客何處波濤弔汨羅

春閨曲

綠樹鶯歌徧

雅集作鶯巢徧

紅簷燕語頻所思猶遠道何用慰

芳春

寄衣曲

蠶歲既已畢鸚時俄復換
早製邊上衣秋來愁緒亂

送遠曲二首

神京佳麗地萬戶復千門
看花三月裏慎莫過倡園

七月發揚子八月渡雅集作過黃河到京書
便寄北來鴻鴈

多

送林尊師

共雅集作謁崑崙華蓋君芙蓉旌旆雨紛紛
燭龍銜火朝

飛海元集作楚鳳凌霄夜入雲偷得玉桃如赤日
懶將瓊

笈校元文倘其歸去容成洞采拾金鵝
幸見分

次鄭明齋東俞彥莊韻

萱草羅生已滿背雅集作篔簹初種欲遮鄰
廚中雙魚好

本外野言
作鱸階下獨鶴長比人久欽陸賈爲新語況以荀卿得
大醇白首相逢在江海紫薇終願召絲綸

題沈君錫畫木

君不聞莊椿春秋八千歲又不聞蟠桃一實三千齡不
知此木歷年幾百萬雲氣下上摩空青羲和馭日海底
出白銀宮闕搏桑暎嗟哉沈君筆力能扛百斛鼎旋轉
造化何其神蛟螭走壁白日動列闕御氣流風霆勇如
陸地盪舟子凜若漢殿雅集折檻臣車行下走九折坂
劍化躍入延平津大枝輪困小枝偃千千百百子若孫
六月赤日天無雲珊瑚水屋常陰陰與君展席坐其下
聽我醉讀南華經

懷張心田

若人清事也無涯客去談詩到日斜愛畫龍眠好頭赤
凌霄不掃落來花

湘弦曲

竹啼非染露山眩乃疑雲靈瑟傳神語休令帝子聞

館娃曲

館娃催賜宴西子猶酣酒龍輿下雲旗鳳樂迎王母銀
橋星似燭翠羽花連牖歡樂殊未終鴉噪城頭柳

夜起來

秋生臨水殿月過望仙臺歌吹無聊賴愁吟夜起來

隄上行三首

碧水粼粼樓雅集作三月春蠻兒个个唱歌新通海坊中

人作市靈慈雅集作宮裏樂迎神

四月南風海岸深青旗高高樹陰陰三江潮發來如馬

五兩風搖密似林

高麗女兒珠腕繩玉環穿耳坐船棚絲為帆絳朝朝颺

銅作琵琶噴噴鳴

秋夜曲

玉階月夜千愁色秋水秋波振草涼烏柏風高吹肺肺

紅葉露冷墜房房

權歌行

春江花柳月水色碧草滋嬋媛競游盤棹歌樂芳時寶

珥重麝蘭羽蓋翔鳧鷖臨流激遺響窈窕飄鶯辭竟欲

整輕橈泝洄往從之落日大江平愴然生遠思

白頭吟

皚皚山上雪雪積還復雅集作滅皎皎雲閒月月圓有

時缺周公大聖當國時流言況也讒間之結交以面心

乃爾白頭不若新相知漢家宮闕長門道花發年年怨

春草今朝寵固色未衰明日怨多思反少今人輕薄懷

古人古人輶軻常苦辛蘭陵廢死不歸楚嗚呼此意吾

誰陳

棄妾言

棄妾不足惜顧顧懷君深奉妾合歡帶繫君明日心

連理樹

堂前好雙樹枝合葉交遮時有鴛鴦鳥來銜並蒂花

征婦怨

君久戍遠磧妾愁在空幃不得如青草隨春上君衣

柳枝詞

濯濯金明柳年年照妾容飛花怨春盡落日渡江風

精衛詞

海水水無底百谷流瀾瀾精衛銜木石之死心不移蓬

萊幾清淺會有揚塵時眼中恨雅集作怨與海水平鳥飛不

惜翅羽垂

望夫石

亭亭望夫石化石石作心丈夫無死節婦人那可輕山
花滿頭雲作衣日日望夫夫不歸夫不歸淚如水至今
水流流不止

繫子詞

鄧家兒鄧家兒長繩誰繫高樹枝父母各逃生兒死亦
孔悲弟亡一息不可棄兒雖當棄忍繫之鄧家兒哭奚
為天乎天乎豈無知

次韻寄野航

十日不見華州掾定是清迂在个邊青壁緣雲題石閣
白沙留月繫湖船娟娟酒落盃香細閣閣梅堆雪色鮮
歸來且樂歲年暮何問花他儂識太元

宴呂敬夫水閣

暮春三月之佳日畫裏看花水閣盃一雙皓鶴巡池步
百葉緋桃映綵開卷幔不知雲亂入題詩應怪雨相催
武陵何處能忘世莫遣閨人取次來

題野航壁

大樹小樹屋東西癭頸鵝鳩來上啼明朝牒子坐天上

野水壓江江日雅集低作月

和李長吉馬詩二十三首元本十一首從玉山草堂雅集補十一首

駉驥連錢動金鞍雅集玉羈無人尋穆滿借與閨風作鏤

騎

肉礪錦纏髻流雲汗似紅太平無戰伐駉驛走沙蓬

龍性非凡質騰波出紫雲檀溪飛過日應識漢將軍

繡霞橫虎脊珠汗抹龍章落日青葱嶺霜高草色黃補

龍印留官字霜花剝暗毛長鳴愁顧影祇憶九方臯

霞口鏤衢鞍霜蹄削玉寒曉看經邏些暮已驀樓蘭

瘦骨如山立臨流飲渴虹誰憐中道棄首着長秋風

出河冰在鬣昂首動驚飈伯樂不再活誰復振御選金

鑣補

神駿知無匹驍騰絕域來流沙一文雪夜拂白龍堆

天子飛黃馬牽來賜近臣玉階新雨過風袞落花塵

內殿玉花驄斑斑歆肉駉奚官新浴罷沙苑踏春風

佛郎通上國萬里進龍媒曉日開閭闔虹光射玉臺

天馬誰能馭和鑾駕紫微年年清暑去霹靂逐龍飛

大奴司虎苑驃騎牧龍廷不擬歌秦鐵重看賦魯駟補

駉北三十匹雲屯十二閑六飛當御駕喜氣見龍顏補

霧漲蒼龍鬣風鳴紫玉珂駿羣空冀北天象動滎河補

踏鐵超雲影拳毛散玉花相將馳鳳苑寧復困鹽車補

元宗愛舞馬錦色看如雲離宮三十六樂動半天聞補

赤驃何神駿應憐識者稀賢材生並世騰踏看追飛補

莫言淹阜御選棧也會蹋祥御選麟逐電疑無影如龍

自有神補

煌煌金絡腦裊裊紫游韁看花不畏晚相逐過橫塘補

秦皇七匹馬追風个个輕不聞東海北采藥上蓬瀛補

驥子大宛種房星夜降精漢家求不得兵歷貳師城

雜詩三首

靡靡輕薄子杳杳肩相摩營營樊中蠅撲撲火上蛾趨

利不顧生是非構讒邪所得既不少所喪良已多淒風

徧大野不久當如何

滔滔夏孟月桃李春已矣庭前兩支子其葉相翳翳雅集

作倚梧桐一高蓋碧氣欲生雨矐矐屋東日連陰密如

齒穿晝無穿影西枝覆流水鋪床終日坐兒女且驩喜

有酒輒持飲聊樂我云耳貴者日以驕富者日以侈古

人云已亡誰下白屋士

京畿連大宅新賜公侯第桂樹夾道生臺觀迎風起歌

磨玉階側栖鳳金窗裏秦娃當妙選趙舞飄輕體大兒
尚書郎小兒參國議中兒權最隆出入侍天子七葉輕
漢貂八達哂周士馮唐亦何命白首賤如此

玉山雅集

顧選作玉
山佳處

愛汝西莊給事家繞屋山石何谿斫截江秀色發林壑
平地玉氣貫虹霞佳處如居子千谷望中開徧冬青花
夜深酒醒月在海應有仙人來繫槎

林外野言卷下

林外野言補遺

婁好怨

宮雲網珠戶漢月下金掌露華生夕氣陰蟲亂秋響紈
素君不御獨居秋怳怳佳人難再得

懷想

次西隱寺興上人韻

練折之西西隱寺開殿江波到寺前共命鳥飛花似雪
多羅樹濕水生煙寄詩相憶遙憐汝把酒重來動隔年
猶記別時春色裏滿城蝴蝶落花天

題仙山圖

三峯鼇背起中央繡桷塗疎白壁堂秦觀東南搖海色
方壺曉夜發天光五芝煙裏游羣鳳巨勝華邊臥白羊

木外野言
宴門雙玉鴈憑陵八極俯茫茫
右三首從玉山草堂雅集補

松泉圖

迢迢澗上松瀲灩松下泉微颺散晴雪飛琴瀉寒弦懷
哉山中人眇予墮塵緣九江秀可攬山色青於蓮浩歌
招黃鵠重賦雲巢編

美人圖

鬱金殿前楊柳新長門草色春復春下階微微動香步
波影晴光流素塵翠釵蜻蜓凋玉珮攬髻迴風舞扇帶
合歡花落無好枝伯勞單飛鶯亂啼玉音夜夜宮車絕
露點蒼苔怨明月

雲泉生歌

雲泉生氣如雲其心玉壺冰汪汪萬頃澄不清雲將龍
變化冰與芙蓉青華嶽天風動飛鷲朝陽噦噦孤鸞鳴
雲泉生其家亦貧無一錢躬耕何用南陽田諸侯不薦
士朝廷不求賢讀書試吏東海邊君不見漢留侯掉舌
曾爲帝者師張鎬窮谷一叟耳丈夫際會各有時騏驥
一日千里馳未遇伯樂猶鳴悲荆山之璧亘光彩世無
卞和誰識之君於富貴端可期施之政事無不宜浮雲
漠漠抗高節君之心兮江水知捧檄自甘升斗祿城裏
青山照書屋回首西風瓜戍秋把酒青天送黃鵠黃鵠
兮高飛啄琅玕兮飲瑤池再飛直上昆侖棲鷄鶩繞龍

豈與尺鷃同藩籬雲泉生錦袍仙人爾之祖步武金鑿
動人主采石江頭秋月高皦皦文章照千古功名事業
在壯年安得與子同飛騫甚矣吾衰也久矣山中早晚
結松屋遲子歸來分月明爛醉歌雲泉

五禽言

布穀布穀催布穀去年官軍糧不足里正輸糧車轆轤
六月長枷在牢獄今年穀種未入泥布穀早催須早啼
蘆芻芻蘆芻芻沙場盡樵伐樵人指秃山無枝拮嗟嗟
鳳凰無處棲鷓鴣何處巢一枝

鍛磨鍛磨麥熟農夫餓家家無麥還租課年年濕麥五
斗租一石晒乾量不過磨子不鍛竈不燒門前誰呼婆

餅焦

秦吉了秦吉了人言汝是能言鳥嘲啁背舌長賣弄言
語巧野人張羅在林杪富貴一落樊中羈不如兩翅盤
天嬉

快活快活不快活茫茫海洋闊白日鎗刀來檢刮風火
轟天滿街殺道傍死尸鴉啄腥汝雖快活何忍鳴

小姑謠

小姑年可十五餘幼小只依兄嫂居爺娘愛惜不肯嫁
婀娜一朵紅芙蓉大嫂含笑向小姑小姑今年當嫁夫
嫁夫須嫁田家兒莫貪滿屋金與珠不見東家樓上女
去年嫁作軍中婦良人戰沒招魂歸日日靈前哭如雨

今年再嫁花娉婷車馬滿街相送迎寧爲守義泉下鬼
如何失節須臾生田官種田雖苦辛百年貧賤可終身
荆釵布裙灰土面小姑歸來好相見

送秀石芝上人請龍門禪老住奉聖寺

芝草生秀石野樹含翠姿青山爲屏幃白雲爲藩籬
菩提山中之人胡不歸乃言要與龍門期龍門吾友僧者
琦爾毋恃力奪去之龍門山高開翠微兩崖峽束雷雨
垂六月陰陰看雪飛不肯走熱觸且馳南澗送爾來乞
詩爾速行矣無遲遲交遊暮年星亂稀微斯人兮吾將
疇依微斯人兮吾將疇依

雪

漠漠年華晚霏霏夜色分江明非借月樹重或兼雲始
訝花驚陣翻愁鶴失羣梁園詞賦客飄泊獨悲君

和東禪悅堂遣興韻

讀經香滿室燕坐自朝曛鳥啄生臺飯龍吞洗鉢雲心
花幽處現天籟靜中聞汨汨紅塵海虛空念不分

棗林

御選作寒林

雪落黃泥坂江空采石磯老龍寒臥蟄棲鵲夜驚飛
籟籟無時息漁樵落日稀明年春色裏還此看林扉

合溪別業和顧玉山韻

雞犬秦人宅迢迢隔戰氛桃花浮釣艇草閣散鷗羣碧
樹重溪合斜陽遠笛聞吟詩雲半席遙想與誰分

寄雙徑主者

問信維摩詰山中一錫歸遙瞻雙徑月長照五銖衣寶
樹交珠網香雲護碧扉虎溪溪上路來往且忘機

新鴈

江上聞新鴈秋風第一聲幾行雲接塞昨夜月臨城萬
里驚烽火羣飛憶弟兄關山書未寄愁感異鄉情

杏花鵝

溪上好鵝賓相呼雪一羣柳根春水暖來泛杏花雲

秋風濯足圖

荊棘銅駝陌桑田碧海波秋風歌濯足歸去白雲多

絕句

山根秋水落江樹與船清遮莫歸來晚東頭月未生

雜咏三首

一卷顧選枕北窗周易五弦南風舜琴自是無心富貴從

教遜迹山林

仙人杏花滿樹處士楊柳當門白髮烏紗棋局綠水青

山酒尊

朝汲橘泉丹井暮耕蕙圃芝田肘後長生有訣一笑曾

許相傳

右二十二首從乾坤清氣補錄

和鐵厓西湖竹枝詞二首

采蓮湖上一雙舟白穀風生易覺秋淺淺溪流齊鶴膝

青青荷葉過人頭

四月南風海岸深青旗高高柳陰陰三江潮發來如馬

五兩風搖密似林案此首與下卷隄行第二首同

信時右二首從西湖竹枝詞補錄

至正四年十二月十七日元真館小集以山意衝

寒欲放梅分韻得寒字

四時互推序歲事倏已闌羣陰閉萬蟄元氣若龍蟠大

哉天地心微陽見其端一一根太極春葩俄星攢馨香

不盈掬微雲那忍食貞素天弗移相與任歲寒

龜巢老人辭

龜巢于蓮壽千歲巢于著萬一千五百餘年龜非壽不

能巢也毘陵謝君子蘭命其所居巢其言曰天地吾大

巢也惟天地不壞吾巢亦弗壞夫天地恃形而久然有

形未有不壞者又曰世不我用吾生自全用不用全不

全繫造物非龜所能為夫用不用在人全不全在我莊

周謂寧生而曳尾則龜之所以自全也豈繫于造物而

曰非龜所能哉子以巢為壽徵則相與逍遙乎有巢氏

之上矣因繫之以辭曰

維蓮有葉兮維著有叢孰靈而壽兮巢此幽宮吾巢天

地兮吾巢與久天地終壞兮吾巢何有生而曳尾兮樂

且全世不我用兮安吾天有巢世遠兮昌其旋歲千萬

兮吾何復先吾將從子于巢兮終吾天年

右三首從珊瑚木難補錄

重復王侍御墓

先賢御史王公墓感慨興亡自古今直氣平生匡濟志
忠臣萬古建儲心朝端獬豸清風在隴上牛羊落日深
滿地梨花一尊酒邦侯高義重南金

崑山秋望

登山真擬登廬阜海上小山心未降萬里神京瞻魏闕
百年身事寄婁江巨靈勢劈青蓮掌蓬島光連玉女窗
絕頂下臨臺殿碧荒城煙草極吳邦

鳳凰石

天星墜爲鳳疊浪耀靈景獨立白玉岡如在赤霄頂磳

磳丹穴開磅礪翠螭並渾渾玉在璞庚庚金出礦寧支
織女機孰作補天餅巖巖若負力擁腫或病瘿蜀圖雄
八陣周象重九鼎鯨駭昆明池蓮表太華井來儀欲巢
閣覽德久延頸架海功莫神沈邱恐未醒山花雜五色
祥雲覆千頃金鵲徒爲瑞雨燕漫飛影鐵厓鍊作心吐
句何奇警寄語山中人詩法當造請

柳塘春

陰陰覆地十餘畝嫋嫋迴塘二月風雨過鷗眠沙色裏
花飛鷺亂水聲中

野航軒雅集

今日有佳集野航俯清婁酒從碧筒瀉煙向博山浮長

林樹陰密方池水氣秋蟬依叢葉語魚唼落花游睽離
獲良覲飛光為遲留

次韻王叔正陪李廷璧郭希仲至玉山同集草堂
亂離又見臘嘉平訪舊仍同上番行報恩終慚結襪子
出關應慕棄縵生江濤水發船如馬雪浦春回柳似城
懷人索句草堂裏南望孤雲多遠情

玉山高處

案崑山雜詠有和郭義仲韻五字
或他人作誤為異詩姑存俟考

玉山高處開闌檻夾徑新松个个青日落翠微延晚閣
雨來龍氣濕秋屏檐垂星漢雲凌亂鈎拂珊瑚樹杳冥
楊子文章吞北海高名直貫鵲湖亭

右七首從崑山雜詠補錄

盛季文新莊詩

抱郭春流帶草堂四瞻桐梓曉蒼蒼百花潭上詩人宅
五渡溪頭處士莊且喜比鄰連伯姊不愁行酒少兒郎
西郊從此頻相過翦燭論詩夜未央

右一首從顧氏秀野草堂元詩選補錄

吳中柳枝詞

吳中柳枝傷春瘦吳中竹枝湘水秋說與錢唐蘇小小
柳枝愁似竹枝愁

右一首從元才調集補錄

與顧仲瑛書

九月初一日翼再拜向嘗見續志所書事蹟往往惑於
卑下雜亂無取昔揚子雲作法言拒富者之金曰園中
之鹿闌中之羊何以名為而陳壽乃求米作佳傳尚得
為信史耶今必痛加繩削正其繆誤然後網羅漏失振
發幽潛為一代盛典豈不偉歟夫一才一善人所難能
生而積學白首而成者十無二三不幸老死岩谷又蔑
蔑無聞者良可憫哉然貴者可信而易云賤者隱而難
顯易云者人皆傳之難顯者人皆畧之此人之常情也
春秋美君子樂道人之善所以使天下皆去惡為善此
磊落喜事之人立言者書以垂後世蓋謂此也予自兒

時目睹諸老先輩先生及歷歷耳聞者或仕或不仕其
才德文章書法畫品雖高下不齊要皆百年以來育德
成材固非一朝一夕所能致也若方外之清流閨門之
貞節皆灼灼可書不可有忽畧而棄置也竊見崑山人
物之盛非他州可及有耆儒碩學若李季高蓉月先生
衛培月山先生二山鄭漁溪陳愛山或典章老成或經
學博聞皆師儒之宗也有文章之流若俞翠峯之超逸
施林塘之風騷秦德卿之厚重汪德載之深沈文學古
之奇放馬敬常之秀麗皆士林尤著者也若楊諲之著
述盧均華之教子朱翔之標格盧觀之淳古俞日強之
文學李簡之清介又不可以偏長而廢也士大夫之族

則朱次山之好古博雅朱仲高之倜儻好客張心田之
能書能畫顧仁山之恬退守業馬廷玉君瑞之好文雅
楊仲元之世其家易兼山之吏隱顧善夫之墨妙及夫
朱都水妻茅氏之貞節殷大章葬其祖伯堂之盡禮書
之皆可以激厲流俗而有補於名教者也鼓琴之妙則
宋尹文爲之魁甲屠雲岩秦德齊王彥明楊景文又皆
鏗鏘於浙操者也方外詩僧則大無外者省夢菴者理
獨聞者唐西白者器大用者慶雲岵者皆齊已靈徹之
流也顏悅堂編蒲之有室柏子庭不繫之有舟寶雲海
之宗乘亮虛白之圖畫秉白雲之千秋林一作閣莊蒙泉
之大寶洲方之高僧無與倫比道士則殷在山章句可

推蔡雲谷駢儷可法張虛谷之飄然高舉楊春雲之多
藝多材是亦不可盡棄者也題詠記述則大成殿玉芝
之有詩靈慈宮餉運之有記以至齋館之銘塚墓之碣
一言一咏皆名流朝士聚精會神極其盛者又若袁子
英之高節樓瞿惠夫之壽豈堂姚文與之書聲齋秦文
仲之鶴塚張師賢之芝蘭堂呂敬夫之來鶴亭盧伯融
觀雲之軒陸良貴乾乾之室盧公武之鹿城隱居古人
云境因人勝此皆一時出羣之材其文章節概固非泯
泯默默而已者又若顧伯衡顧子達嚴孟賓項叔馭俞
復初皆進進而不已者誠非他郡所可彷彿也所謂不
傳於今必傳於後萬萬無可疑者惟執事持至公之論

去常人之見念聖人才難之歎樂春秋與善之誠無一
毫嫌疑有以自阻則舉雉舉子之事不得專美於前矣
翼再頓首

元故遷善先生郭君墓志銘

先生諱翼字義仲世崑山右族考友諒爲大賈獨善教
子妣陸氏先生自少入鄉學從衛培遊培故宋參政涇
諸孫博學篤行亟稱先生穎悟深加器重先生旣壯益
肆力於學沈潛百家尤邃於易年四十閉門授徒嘗署
其受業之室曰遷善曰以識吾過也鄉人亦爲名校南
之梁曰遷善曰是吾郭君之所居也先生爲文詞必追
古作者諷誦思繹雖一字不苟也其於一時文人少所
許予獨稱永嘉李君孝光及天台丁君復所爲詩李公
亦謂先生之詩佳處與人不同調會稽楊公維楨每以
其言爲躋先生與俗寡合有力者多不肯薦引竟以訓

導老於學官由是家日窮守益堅攻苦食淡讀書自若也嘗自號東郭生又自稱曰野翁所著文集曰林外野言凡若干卷病且革知州高昌傑侯率州人士治其葬事以至正二十四年七月二十三日卒年六十以是月日窆於馬鞍山陰之中峯因題曰遷善先生郭君之墓妻胡氏長子夔皆先卒次子疇女壻汪思齊陸彞孫男長壽嗚呼先生之生也連蹇不偕於時其歿也貧無以爲葬亦可哀已先生嘗謂熊曰吾死汝爲銘銘曰嗚呼頽頽有爲而不遂其施而卒於斯吁其可悲吁其可悲

范陽盧熊撰并書

吳郡王時篆蓋



卷之四